

八目次

人部

無分類

髮髮

附亂髮

爪甲

二

牙齒

三

人溺

四合秋石
溺白堊

人乳

五

人胞

六

禽部

原禽五種

雞

一合冠血屎
白肝卵脰皮

鵠

二合左盤龍
附鴨

雀卵

三

合白丁香

夜明沙

四

五靈脂

五

獸部

畜類四種

豕

一合心血夾肝脾肺腎肚胆

羊肉

二合血腎肝胆

牛

三合乳胆角腮牛黃

阿膠

四

獸類十一種

虎骨

一

象牙

二

合皮胆

犀角

三

熊膽

四

羚羊角

五

鹿茸

六合角角膠角霜

麋

七

麝

八

兔頭骨

九合肝腦屎

獺肝

十

鹽胸臍

十一

鼠類一種

兩頭尖

一合胆睛骨

彙箋卷八

毘陵 顧元交 述

人部舊本無分類

髮髮

人部之一
附亂髮

髮髮乃剪髭下之髮。亂髮乃梳櫛下髮也。男子八歲
腎氣盛齒更髮長。是髮因人之血氣以爲生長榮枯
也。故血盛則髮潤而黑。血枯則髮燥而黃。亂髮與髮
髮氣味所主不甚相遠。如髮髮粹不可得。姑以亂髮

代之力稍遜耳。蓋髮者腎之華。血之餘也。故入心入肝以益血。微寒而苦。又能泄熱。所以療大人瘥及小兒驚癇。小腸膀胱爲心腎之腑。髮能入心除熱。入胃益陰。則水道利而五癰關格俱通矣。古人治驚癇多用茯苓琥珀竹葉之類。取其分利心經之熱。自小腸出也。其止血暈血悶金瘡傷風及煎膏長肉消瘀者。悉取其入心走肝益血除熱之功耳。

頭上曰髮。屬足少陰陽明。耳前曰髻。屬手足少陽。目上曰眉。屬手足陽明。唇上曰髭。屬手足陽明。額下

曰鬚屬足少陰陽明。兩頰曰髭屬足少陽。又髮屬心。稟火氣而上生。鬚屬腎。稟水氣而下生。眉屬肝。稟木氣而側生。義可類參。腎主髓。腦者髓之海。髮者腦之華。腦減則髮素。水出高原故腎華在髮。髮者血之餘。血者水之類也。

凡廣瘡不愈。用真香油一斤入血餘五兩熬化。濾清。每空心用雞蛋三四枚。卽將前油煎熟。不用鹽。頓熱酒啖之。其瘡漸漸乾落。予治一遍身膿窠積年不愈。以此方服過油半觔立瘥。後遇一微人見。

其滿頸皆癰癧。詢以何藥得愈。亦卽此方也。

大風癰瘡。用新竹筒十箇。內裝黑豆一層。頭髮一層。至滿。以稻糠火盆內煨之。候汁滴出。以盆接承。翎埽瘡上。數日卽愈。亦治諸瘡。

爪甲 人部之二

爪甲者筋之餘。肝膽之外候。點目去翳者用之。蓋目中翳障。肝經血虛也。爪甲爲肝之餘氣。而性又帶散。故能去目翳。障本經獨用懷妊婦人爪甲者。蓋婦人氣血充實。乃能受孕。取其有生長力足之意也。

凡人爪厚色黃者膽厚。爪薄色紅者膽薄。爪堅色青者膽急。爪栗色赤者膽緩。爪直色白者膽直。爪惡色黑者膽結。又經云多食辛則筋急而爪枯。以辛能散真氣而走筋也。

牙齒 人部之三

牙齒者腎之標骨之餘。痘瘡伏陷者用之。蓋痘瘡毒自腎出發生之際外爲風寒穢氣所冒。腠理閉塞。血澀不行。毒不能出。或變黑倒靨。宜用此以酒麝達之。竄入腎經。發出毒氣。使熱令復行。而瘡自紅活。乃却。

劑也。若伏毒在心。昏冒不省人事。及氣虛色白。瘁場不能作膿。熱癰紫泡之證。止宜解毒補虛。苟誤用之。則鬱悶聲啞。反成不救。可不慎哉。

人溺

人部之四
合溺白堊秋石

人溺乃津液之濁者。亦津液也。爲除勞熱。骨蒸咳嗽。吐血及產後血暈之證。經云。飲入于胃。游溢精氣。上輸于脾。脾氣散精。上歸于肺。通調水道。下輸膀胱。故人服小便入胃。亦隨脾氣上歸于肺。下通水道而入膀胱。乃循其舊路。故能治肺病。引火下行。法當熱飲。

尚含真氣。冷則惟存鹹味寒性而已。且產後溫飲一
杯。能壓下敗血惡物。有飲過七日者。多令臟寒。致生
帶病。若氣血虛而無熱者。尤不宜多服。又須取十二
歲以下童子。絕其烹炮鹹酸。多與米飲。助其水道。今
人犯勞怯者。至有自服還魂湯。鬱熱腥穢。無異毒藥。
可爲大惑。

溺白塗能瀉肝三焦膀胱之火。從小便中出。蓋鹹性
潤下走血分。故爲降火消瘀之聖品。

秋石乃水澄火煉真元之氣。盡失其功。不逮童便多。

矣。古人惟取人中白。童便。散瘀滋陰。降火。王公貴人惡其不潔。方士遂以人中白設法煅煉。治爲秋石。代之。不知既經煅煉。變冷爲溫。服之反助虛陽。眞水愈涸。所以久服令人成渴也。惟丹田虛冷者服之可耳。觀病淋者。水虛火極。則煎熬成沙。成石。小便之煉成秋石。與此一理。

傷寒少陰證。下利不止。厥逆無脈。乾嘔。欲飲水者。加人尿。豬膽汁。鹹苦寒物。于白通湯。薑附藥中。其氣相從。可去格拒之患。

折傷跌撲。以童便入少酒飲之。推陳致新。其功甚捷。蓋一切傷損。不問壯弱。及有無瘀血。俱宜服之。若脇脹或作痛。或發熱煩燥。口渴服之最穩。他藥雖效。恐無瘀血。反致誤人。童便不動臟腑。不傷氣血。萬無一失。軍中多用。此有驗。

一人常苦鼻衄。僅存喘息。用人中白散。卽止。不復再作。故吐血症。用花藥石散。立效。內有人中白青。黛二物也。

口舌生瘡。以溺桶堊七分。枯礬三分。研勻。搽之。卽

愈。

小兒口瘡。人中白煨黃柏蜜炙焦爲末等分。入水片少許。以青布拭淨。摻之。走馬瘡。亦人中白煨入麝香少許吹之。或用婦人尿桶白垢火煨一錢銅綠三分麝香一分研和吹。有回生之功。

秋石者。須秋月取童子溺。每甬入石膏末七錢。桑條攪澄定。傾去清液。如是二三遍。乃入秋露水一桶攪澄。如是數次。滓穢滌淨。鹹味減除。以重紙鋪灰上晒乾取起。輕清在上者爲秋石。重濁在下者

刮去秋石之名。本此男用童女溺。女用童男溺。亦一陰一陽之道。此不經火煉者也。世醫不取秋時。雜收人溺。但以皂莢水澄晒爲陰煉。煨爲陽煉。媒利敗人。安能應病。

乳汁 人部之五

人乳汁治目之功多何也。人心生血。肝藏血。脾受血。故目得之而能視。乳汁則血也。用以點眼。所以相宜。血爲陰。故性冷。臟寒人。如乳餅酥酪之類。不可多食。雖曰牛羊乳。然亦不出乎陰陽之造化耳。

言卷八
用人乳。須其人和平無病。飲食冲淡者。其乳亦平。
其人暴躁。飲酒食辛。或有火病。其乳必熱。有孕之
乳。謂之忌乳。小兒飲之。卽黃瘦吐瀉者。以初孕正
厥陰肝經養胎乳汁。帶酸肝能尅脾故也。

人胞 人部之六

人胞得精血之氣而結。能從其類而補之。故主治一
切虛損勞怯爲益。血補精氣之用。女人服之尤宜。然
凡陰虛精涸。水不制火。發爲咳嗽吐血。骨蒸盜汗等
證。此屬陽盛陰虛。法當壯水之主。以制陽光。不宜服。

此並補之劑。以耗將竭之陰也。胃火齒痛。法亦忌之。
人胞雖載於陳氏本草。昔人罕用之。近因丹溪極
言其功。而括蒼始創大造丸行世。其方藥味平補。
雖無人胞。亦可服。餌琉球國婦人產乳女食子衣。
八桂獠人產男。以五味煎調胞衣。會親啖之。此則
諸獸生子。自食其衣之意。非人類也。崔行功小兒
方云。凡胎衣宜藏於天德月德吉方。淡埋緊築。令
兒長壽。若爲猪狗食。令兒顛狂。蝨蟻食。令兒瘡癰。
烏鵲食。令兒惡死。棄于坎中。令兒瘡爛。近於廟社。

汚水井竈街巷皆有所禁。此亦銅山西崩洛鐘東應。自然之理。今復以之蒸煮炮炙和藥擣餌。雖曰以人補人。取其同類。然以人食人。其異於琉球獠人者亦幾希矣。

右人部六種

禽部依舊本分水原林山四類

雞
原禽之一
合雞冠血

雞爲陽禽。屬木而外應乎風。在卦爲巽。其色雖有丹白黃烏。其種復有烏骨之異。總之性熱補陽起陰。兼